



„Gaatsma” yn it Höflân by Grou bibuorke troch bruorren Knossen

In oare pleats mei in âlde namme yn it Höflân by Grou is Gaatsma, in kop-hals-romp type. Hy stiet nou aan de dyk Grou-Idaerd.

It wie yn deselde tiid, dat ik hjir oankloppen as by de buorman op Sjonnema. It wie maeimoanne en

alles wie drôk yn it spier. Ik trof it noch al goed, it wie kofje-tiid en de famylje skikte om 'e tafel.

Ik hie al gau troch dat hjir twa generaesjes wennen. Earst wie ik by

in jonge boerinne en dy forwiisde my nei har skoan-heit dy't yn 'e opkeamer wenne:

Sa siet ik dan efkes letter yn 'e opkeamer fan Gaatsma by de famylje Knossen aan de kofje. It praet kaem al gau op pleats en biwenners. De famylje wennet der noch net sa lang. Soks wie foar my to bigripen. Hwant as men aan Knossen histoarje tinkt, ek al wurdt dat Knossen mei in Keskreaun dan tinkt men aan Hommerts en Jutryp. De famylje Knossen wennet der fan 1937 ôf. It is nou in eigen pleats. Earst waerd hy hierd fan mefrouw J. Ykema, dêrnei fan de hear Age Ages Knossen en nou is „Gaatsma” eigen aan de hear Pieter Ages Knossen, de man by hwa't ik oan'e kofje siet „Gaatsma” komt yn de flooreenkahieren fan Grou foar by nû. 36.

Eardere eigeners en brûkers hawwe west: 1640 Keimpe Sybrens soan.

1698 Janneke Kornelis Visscher. Jan Dirx brûker.

1708 Selde eignerske en brûker.

1718 Erven fan Meinsk Harmes Visser eigener, Jan Dirx brûker.

1728 Siktaris Schouten eigener, Jan Durks brûker.

1738 As yn 1728.

1748 R. Kloek als curator over Meinskjen en Klock eignerske; Bruin Gabes brûker.

1758 Meinskjen Klock eignerske. Gabe Bruins brûker.

1768 Selde eignerske. Eeltje Jacobs brûker.

1778 Grytman van Scheltinga eigener, Eeltje Jacobs brûker.

1788 As yn 1778.

1798 Old Grytman C. v. Scheltinga eigener, Eeltje Jacobs brûker.

Yn 1850 wie Eeke Siebrens Schuurman eigener en sels brûker.

1858 Selde eigener en brûker. De plaets hie doe 53 pounsmiet florenplichtich lân.

Hoe't letter krekt gongen is wit ik net, mar om 1900 wenne Herre van der Meer der en dy is letter opfolge troch Herre Hooghiemster en Tetje Boonstra. Nei Herre Hooghiemster binne Adrianus van der Meer (soan fan Herre v. d. Meer) en Romkje Oedsma der kommen yn 1937 kamen Pieter Ages Knossen en Johanneske Schilstra der to wenjen. Dizze hawwe der oant 1961, ta buorke.

Doe is it bidruw oergien aan de twa soannen; Age Knossen trouwde mei Wiepkje Lootsma en Brand Knossen trouwde mei Jitske Dieuwke Hofstra. Age wennet yn Idaerd, Brand op 'e pleats en harren heit en mem, de lanhearde, yn 'e opkeamer. Sa wurdt der dan nou buorke op „Gaatsma” Eigentlik in famyljebidriuw.

De pleats is nou great 18 ha eigen-lân en nou 2 ha hierd lân. Neist it jongfê wurde der 22 melke kij hâlden.

Ekt hjir in âlde namme; yn 1640 al „Gaatsma” nou 320 jier letter noch „Gaatsma”. In kop-hals-romp pleats dy it yn it Fryské lân altyd noch sa goed docht.

Ik wenske de famylje Knossen ta dat harren lân mei lân en plaats noch biwarre bliuwe mei. De kans is dêr; pake en beppe sizzers binne der.

d.H.

*troch Jelle
Willems
Systerna
en Lyppke
Dykstra en
dymer
troch
Herre H.*